

四庫全書

經部

欽定四庫全書

春秋左傳注疏卷五十二

起昭公二十六年盡二十八年

晉杜氏注 唐陸德明音義 孔穎達疏

經二十有六年春王正月葬宋元公注三月而葬速

三月公至自齊居于鄆疏

正義曰往年公孫于齊齊侯言公于野井公未必往至齊

都而云至自齊者得與齊侯相見雖從齊境而來亦是自齊也殺梁傳云公次于陽州其曰至自齊何以齊侯之見公可以言至自齊是也公不得歸其國都而書至者賈云季氏示欲為臣故以告廟

夏公圍成注成孟氏邑不書齊師帥賤衆少重在公音

義

帥所類反

秋公會齊侯莒子邾子杞伯盟于鄆陵注鄆陵地闕音

義

鄆音專又市轉反一音徒丸反

公至自會居于鄆注無傳

九月庚申楚子居卒注未同盟而赴以名

冬十月天王入于成周注傳言王入在子朝奔後經在

前者子朝來告晚疏

正義曰二十三年七月天王居于狄泉自爾以來單子劉子夾以東

西雖不出王畿而居無定所此時始得入于成周遂以成周為都來告故持書之案傳子朝奔楚及王入成周皆在十一月經書王入成周子朝奔楚皆在十月者從告也劉炫云杜以朝既奔楚王始得入入必在朝奔後

經書王入在前傳有告于諸侯之語故以為王告入在前朝告奔在後故先書王入炫謂子朝出亦王告下注與此尹氏召伯毛伯以王子朝奔楚注召伯當言召氏自違

經誤也尹召族奔非一人故言氏書奔在王入下者王

入乃告諸侯疏

注正義曰傳言召伯盈遂王子朝朝及召氏之族奔楚召伯逆王于尸與王入

于成周則召氏族出奔召伯身不奔也知召伯當為召氏經誤也宣十年崔氏出奔書崔氏者非其罪也此尹氏召氏立庶篡適竝為有罪而亦書氏者彼實崔杼身奔非是舉族盡出但於例諸侯之卿出奔者有罪則名無罪則不名崔杼不合書名因其來告以族遂書崔氏示杼無罪也此尹氏召氏舉族悉奔據實而書與彼有異故注云尹召族奔非一人故言氏所謂文同而意異也子朝奔王乃得入書奔在王入下者王入乃告諸侯

也劉炫云杜上注云子朝來告晚何為此注又云王入乃告諸侯以二注不同將為杜失今知不然者杜意王入乃告謂王入之後子朝乃告杜以傳云癸酉王入于成周癸未王入于莊宮始云王子朝使告諸侯是王入之後子朝告諸侯也劉以為王入乃告據王告諸侯而規杜失非也

傳二十六年春王正月庚申齊侯取鄆注前年已取

鄆至是乃發傳者為公處鄆起疏注正義曰杜謂往

傳言齊侯取鄆者為下三月公處鄆以發端也服虔以為往年齊侯取鄆實圍鄆耳經於圖書取傳實其

事故於是言取劉以服言為是往年十二月庚辰圍鄆今年正月庚申取之凡三十一日例書取言易此

圖乃取言易者齊侯取以居公臣無拒君之義若魯自與之然故書取以見其易穀梁曰以其為公取之

故易言之是也

○葬宋元公如先君禮也注善宋人違命以

合禮○三月公至自齊處于鄆言魯地也注入魯竟

故書至猶在外故書地音義

竟音境

○夏齊侯將納公

命無受魯貨申豐從女賈注豐賈二人皆季氏家臣

音義

女音汝

以幣錦二兩注二丈為一端二端為一兩

所謂匹也二兩二匹縛一如瑱注瑱充耳縛卷也急

卷使如充耳易懷藏音義

縛直轉反瑱它殿反易以鼓反

疏注正義曰家語

云水至清則無魚人至察則無徒故人君冕而前旒所以蔽明旒續塞耳所以蔽聽又詩云王之瑱也禮

以一條五采橫冕上兩頭下垂繫黃繇縣下又縣玉為瑱以塞耳

適齊師謂子猶之

人高齣注齣子猶家臣子猶梁丘據音義

齣魚能貨綺反

子猶為高氏後粟五千庾注言若能為我行貨於子

猶當為請使得為高氏後又當致粟五千庾庾十六

斗凡八千斛音義

庾羊主反能為于偽反疏正義曰下當為下云為魯君同聘禮記

云十六斗曰穀十穀曰秉鄭玄云秉十六斛今江淮之間量名有為穀者今文穀為逾杜據儀禮今文故以庾為十六斗五千庾凡八千斛考工記陶人為庾實二般厚半寸脣寸其下文旒人云豆實三而成般則般受斗二升庾實二般則受二斗四升也彼陶人所作庾自瓦器今甕之類非量器也與此名同而實

異 高齋以錦示子猶子猶欲之齋曰魯人買之百兩

一布以道之不通先入幣財注言魯人買此甚多布

陳之以百兩為數子猶受之言於齊侯曰羣臣不盡

力于魯君者非不能事君也注欲行其說故先示欲

盡力納魯君音義

說如字又始銳反

然據有異焉注異猶怪

也宋元公為魯君如晉卒於曲棘叔孫昭子求納其

君無疾而死不知天之棄魯耶抑魯君有罪於鬼神

故及此也君若待于曲棘使羣臣從魯君以卜焉注



卜知可伐否疏

正義曰宋公佐卒于曲棘者杜云曲棘宋地陳留外黃縣城中有曲棘里

今齊侯欲納魯君當是從齊向魯必不遠涉宋地子猶令齊君待于曲棘必使止於竟內地名齊地無

曲棘十年傳桓子召子山而反棘焉杜云齊國西安縣東有戟里亭此即彼棘也本無曲字涉上卒于曲

棘誤加若可師有濟也君而繼之茲無敵矣若其無

成君無辱焉齊侯從之使公子鉏帥師從公注鉏齊

大夫音義鉏仕居反成大夫公孫朝謂平子曰有都以衛

國也請我受師許之注以成邑禦齊師音義朝如請字

納質注恐見疑音義質音致弗許曰信女足矣告於齊

師曰孟氏魯之敝室也注敝壞也音義女音汝用成已

甚弗能忍也請息肩于齊注公孫朝詐齊師言欲降

使來取成音義降戶江反下同齊師圍成成人伐齊師之飲

馬于淄者曰將以厭衆注以厭衆心不欲使知己降

也淄水出泰山梁父縣西北入汶音義飲於鶴反淄側其反厭於

冉反又於葉反汶音問魯成備而後告曰不勝衆注告齊言衆

不欲降已不能勝音義勝音升注同又始證反師及齊師戰于

炊鼻注季氏師距公非公命則不書炊鼻魯地音義

炊昌齊子淵捷從洩聲子注聲子魯大夫音義洩息

射之中楯瓦注瓦楯脊音義射食亦反下及注皆同

常允反又音允脊子亦反繇胸汰輶七入者三寸注入楯瓦也胸

車輶輶車輶繇過也汰矢激七矢鏃也音義繇音由

反本又作輶同汰他達反輶陟留反七必履疏正義

之中楯瓦先言中之處更說矢來之狀繇車輶矢

激從車輶之上其矢之七鏃入著楯瓦者猶深三寸

言其弓力多而矢入深也注正義曰此覆說中楯之

年傳稱射兩輶而還此與彼同蓋胸輶下曲者襄十四

即由也訓為從也從上而過故言繇過也宣四年傳

云伯棼射王汰轉注云汰過也此云汰矢激謂矢激汰其上而過也傳言七入則七是入楯者也今人猶

謂箭鏃薄而長濶者為七是七為矢鏃也聲子射其馬斬鞅殪注殪死也

音義鞅於丈反殪音於計反改駕人以為醜戾也而助之注人

魯人也醜戾叔孫氏司馬子車曰齊人也注子車即

淵捷將擊子車子車射之殪其御曰又之注又欲使

射餘人子車曰衆可懼也而不可怒也子囊帶從野

洩叱之注囊帶齊大夫野洩即聲子音義叱昌實反洩曰

軍無私怒報乃私也將亢子注欲以公戰禦之不欲

私報其叱音義

元苦浪反下同

又叱之注子囊復叱之音義

復扶又反下復欲反

亦叱之注野洩亦叱也言齊無戰心但相

叱冉豎射陳武子中手注冉豎季氏臣失弓而罵注

武子罵音義

罵馬嫁反

以告平子曰有君子白皙鬢鬚眉

甚口音義

皙星曆反鬢本又作須脩于反

黑之忍反

疏

正義曰說文云鬢稠髮也鬢鬚

眉者言鬚眉皆稠多也甚口者謂大口也

平子曰必子彊也無乃亢諸注

子彊武子字對曰謂之君子何敢亢之注偽言不敢

違季氏林雍羞為顏鳴右下注皆魯人羞為右故下

車戰苑何忌取其耳注何忌齊大夫不欲殺雍但截

其耳以辱之音義

苑於阮反

顏鳴去之注其右見獲懼而

去之苑子之御曰視下顧注復欲使苑子擊其足苑

子荆林雍斷其足鑿而乘於他車以歸注鑿一足行

音義

荆芳弗反說文云擊也又父勿反又忿勿反斷丁管反鑿遣政反又音磬又苦頂反字林丘貞

反疏

正義曰說文云荆擊也字從刀謂以擊也今江南猶謂刀擊為荆注正義曰既斷其足而云鑿

知鑿是一足行也說文云鑿金聲也蓋擊金為聲亦名鑿

顏鳴三入齊師呼曰林

雍乘注言魯人皆致力於季氏不以私怨而相棄音

義呼火故反

乘繩證反

○四月單子如晉告急五月戊午劉人

敗王城之師于尸氏注劉人劉蚩之屬王城子朝之

徒尸在鞏縣西南偃師城戊辰王城人劉人戰于施

谷劉師敗績注施谷周地○秋盟于鄆陵謀納公也

注齊侯謀○七月己巳劉子以王出注師敗懼而出

疏正義曰二十三年傳云六月庚寅單子劉子樊齊

以王如劉蓋從劉而居狄泉自狄泉又居於劉今

為子朝所逐蓋自劉而出也服虔云出成周也案二

十三年天王居于狄泉狄泉雖近成周成周不屬王

也其傳云召伯奭南宮極以成周人戌尹二十四年

傳云王子朝用成周之寶珪于河是周常屬子朝之

驗也二十五年黃父之會趙簡子命諸侯之大夫云  
明年將納王納王者欲納之於成周耳若敬王先在  
成周無為更須納之知此出者從劉劉  
出耳王既棄劉而去故王城人焚劉庚午次于渠注

渠周地王城人焚劉注燒劉子邑丙子王宿于褚氏

注洛陽縣南有褚氏亭音義

褚張呂反一音勅呂反

丁丑王次

于萑谷庚辰王入于胥靡辛巳王次于滑注萑谷胥

靡滑皆周地胥靡滑本鄭邑音義

萑音丸本又作萑古亂反疏注正

義曰王雖未有安居終亦不出畿內知此皆周地也  
襄十八年楚人伐鄭傳稱公子格率銳師侵費滑胥  
靡是本為鄭邑  
今為周邑也  
晉知躒趙鞅帥師納王使女寬守關



塞注女寬晉大夫關塞洛陽西南伊闕口也守之備

子朝音義

知音智蹠音歷女音汝本亦作汝塞素代反

○九月楚平王卒

令尹子常欲立子西注子西平王之長庶音義

長丁丈反

下文同

曰太子壬弱其母非適也注壬昭王也音義

適丁

歷反下文同

王子建實聘之子西長而好善立長則順建

善則治王順國治可不務乎子西怒曰是亂國而惡

君王也注言王子建聘之是章君王之惡音義

好呼報反

治直吏反下同

國有外援不可瀆也注外援秦也瀆侵也音

義

侵武諫反

王有適嗣不可亂也敗親速讎注不立壬秦

將來討是速讎也亂嗣不祥我受其名注受惡名賂

吾以天下吾滋不從也注滋益也音義

賂音路

疏

正義曰賂

吾以天下使吾為天子吾益不從也

楚國何為必殺令尹令尹懼乃立

昭王○冬十月丙申王起師于滑注起發也音義

于滑

反辛丑在郊注郊子朝邑遂次于尸十一月辛酉晉

師克鞏注知躒趙鞅之師召伯盈逐王子朝注伯盈

本黨子朝晉師克鞏知子朝不成更逐之而逆敬王

王子朝及召氏之族毛伯得尹氏固南宮嚚奉周之

典籍以奔楚注尹召二族皆奔故稱氏重見尹固名

者為後還見殺音義重見上直用反下賢遍反為于偽反下且為同陰忌奔

莒以叛注陰忌子朝黨莒周邑召伯逆王于尸及劉

子單子監注召伯新還故盟遂軍圍澤次于隄上注

圍澤隄上皆周地音義圍魚呂反隄音低或音帝癸酉王入于成

周注成周今洛陽甲戌盟于襄宮注襄王之廟晉師

使成公般戍周而還注般晉大夫音義般音班十二月

癸未王入于莊宮注莊宮在王城王子朝使告于諸

侯曰昔武王克殷成王靖四方康王息民竝建母弟

以蕃屏周亦曰吾無專享文武之功注不敢專故建

母弟音義

蕃方元反亦作藩

疏正義曰諸家本皆然服虔王肅竝注云文王受命武王伐

紂故云文武克殷下句云吾無專享文武之功則合文武是也杜無注諸本悉作武王克殷疑誤也今定本亦作武

王克殷

且為後人之迷敗傾覆而溺入于難則振

救之至于夷王王愆于厥身注夷王厲王父也愆惡

疾也音義

履芳服反

溺乃歷反疏

正義曰諡法安民好靜曰夷

諸

侯莫不竝走其望以祈王身至于厲王王心戾虐萬民弗忍居王于彘注不忍害王也厲王之末周人流

王于彘音義

彘直疏注正義曰周語云厲王虐國人例反疏誘王召公告曰民不堪命也王

怒得衛巫使監誘者以告則殺之國莫敢言道路以目三年乃流王于彘劉炫案周本紀民相與叛襲厲王厲王出奔于彘周語又曰彘之亂宣王在召公之宮國人圍之召公知之乃以其子代宣王言代王則國人謂是宣王國語雖不言殺必殺之矣國人相與襲王王既奔免得王子而殺之若得厲王亦應不舍而杜云不忍害王未必然也當謂不忍者不能忍王之虐也今知不然者下云居王于彘是以禮居處厲王于彘又云諸侯釋位以間王政是憂念王政則不忍者是不忍害王也若其必欲殺王應云王奔于彘

劉以為周語云周人欲殺王子召公以子代之則周人欲殺王子何肯不忍害王以為不忍者不堪忍王惡案周語但云求王子不云求殺之是益橫周語之文而規杜過非也 諸侯釋位以間

王政注間猶與也去其位與治王之政事音義

間間廁之

間注同一音如字與音預下同

疏注正義曰周本紀云燕之亂宣王在召公之宮國人圍之召公以其

子代太子太子竟得脫周召二公二相行政號曰共和元年是其釋位與治王政之事也

宣王有

志而後效官注宣王厲王子燕之亂宣王尚少召公

虎取而長之效授也音義

效戶教反少詩照反下文同長丁丈反下文同疏

正義曰周語云召公以其子代宣王宣王長而立之周本紀云共和十四年厲王死于燕太子靖長于

召公家二相乃共立之為王是為宣王是召公長之也共和之年官之政事皆決於二相宣王長而有志堪為人主二相乃致其官政於王也致者致與之義故注云致授也

至于幽王天不弔

周王昏不若用愆厥位注幽王宣王子若順也愆失

也攜王奸命諸侯替之而建王嗣用遷邲鄆注攜王

幽王少子伯服也王嗣宜臼也幽王后申姜生太子

宜臼王幸褒姒生伯服欲立之而殺太子太子奔申

申伯與鄆及西戎伐周戰于戲幽王死諸侯廢伯服

而立宜臼是為平王東遷邲鄆音義

攜戶圭反奸音干下同替他計

反邾古洽反郿音辱疏注正義曰鄭語稱夏之衰也  
鄩才陵反戲許宜反疏注正義曰鄭語稱夏之衰也  
王庭而言曰余褒之二君也夏后卜殺之與去之與  
止之莫吉卜請其瘞而藏之吉乃布幣焉而策告之  
龍亡而瘞在櫝而藏之及歷殷周莫之發也及厲王  
之末發而觀之瘞流於庭不可除也王使婦人不幃  
而諛之化而為龜以入於王府之童妾未既而  
遭之既笄而孕當宣王而生不夫而育故懼而棄之  
時有童謡曰檠弧箕箒實亡周國於是宣王聞之乃  
有夫婦鬻是器者王使執而戮之夫婦方戮逃在路  
哀其夜號也而取之以逸逃於褒褒人有獄而以入  
於王王遂置之而嬖是女使至於后而生伯服周語  
云幽王伐有褒褒人以褒姒女焉褒姒有寵生伯服  
於是乎與號石父比逐太子宜臼而立伯服太子出  
奔申申人繒人召西戎以伐周周於是亡書傳多說  
其事此其本也詩序云幽王取申女以為后後得褒



如而黜申后周本紀云幽王太子母申侯女也而為后王廢后并去太子用褒姒為后以其子伯服為太子申侯怒乃與繒西戎共殺幽王于驪山之下虜褒姒盡取周賂而去於是諸侯乃即申侯共立故幽王太子宜白是為平王東遷徙於洛邑辟戎寇也曾語云幽王滅于戲戲驪山之北水名也皇甫謐云今京兆新豐東二十里戲亭是也劉炫云如國語史記之文幽王止立伯服為太子耳既虜褒姒必廢其子未立為王而得呼為攜王者或幽王死後褒姒之黨立之為王也汲冢書紀年云平王奔西申而立伯服以為太子與幽王俱死于戲先是申侯魯侯及許文公立平王於申以本大子故稱天王幽王既死而虢公翰又立王子余臣於攜周二王竝立二十一年攜王為晉文侯所殺以本非適故稱攜王東哲云案左傳攜王奸命舊說攜王為伯服伯服古文作伯盤非攜王伯服立為王積年諸侯始廢之而立平王其事或

然當則是兄弟之能用力於王室也至于惠王天不靖

周生頹禍心施于叔帶惠襄辟難越去王都注惠王

平王六世孫頹惠王庶叔也莊十九年作亂惠王適

鄭襄王惠王子叔帶襄王弟僖二十四年叔帶作難

襄王處汜音義顏徒回反施以豉反難疏注正義曰

王生桓王林林生莊王佗佗生僖王胡齊齊生惠王

涼是六代也惠王生襄王鄭鄭生頃王巨巨生匡王

班及定王瑜瑜生簡王夷夷生靈王泄則有晉鄭咸

黜不端注黜去也晉文殺叔帶鄭厲殺子頹為王室

去不端直之人音義

去起呂反下疏正義曰諸本咸同為于偽反或作減王肅云

咸皆也傳咸為七經詩其傳詩有此句王義之寫亦作咸杜本當然以綏定王家則是

兄弟之能率先王之命也在定王六年秦人降妖注

定王襄王孫定王六年魯宣八年音義

妖本又作託於驕反說文

云衣服謬草木之怪謂之妖

曰周其有頹王亦克能脩其職諸侯

服享二世共職注二世謂靈景音義

頹子斯反共音恭

王室

其有間王位諸侯不圖而受其亂災注間王位謂子

朝也今子朝以為王猛受亂災謂楚也今子朝以為

晉音義

間間側之間注及下

疏

正義曰降者自上而下之言當時秦人有

此妖語若似自上而下神馮之然故云降妖也然自受其亂災以上皆是妖語至于靈王以下是子朝演說妖言謂子猛當間王位耳服享言諸侯服從獻國之所有

至于靈王生而有顛

注靈王定王孫王甚神聖無惡於諸侯靈王景王克

終其世注景王靈王子今王室亂單旗劉狄剝亂天

下壹行不若注單旗穆公也劉狄劉蚩也壹專也音

義

剝邦角反

謂先王何常之有注言先王無常法唯余心

所命其誰敢討之帥羣不弔之人注弔至也音義

如弔

字舊丁歷 以行亂于王室侵欲無厭規求無度貫瀆  
反注同

鬼神注貫習也瀆易也音義厭本又作厭於鹽反疏

正義曰俗本作規服王孫皆注云玩貪也元年傳曰  
既歲而愒日杜云既愒皆貪也則此言貪求無限度

本或作慢棄刑法倍奸齊盟傲狠威儀矯誣先王晉  
規諺也

為不道是攝是贊注攝持也贊佐也先王謂景王音

義傲五報反狠戶疏正義曰倍即背也違背奸犯齊

盟許立子朝單劉未嘗與朝結盟而復背之言單劉  
倍奸齊盟誣之注正義曰是攝言執持之使不傾危

也是贊謂佐助之使得存立也故以攝為持贊為佐  
也杜以先王為景王則矯誣先王者當謂矯景之命

立猛耳知先王非先世之王者以言矯誣是矯詐誣  
因據其人有語矯誣之猶今矯稱詔勅若先世之王  
去此久遠不得有立猛之事子朝何得稱矯誣之乎  
又傳云干景之命故杜以先王謂景王劉炫以為先  
世之王而規  
杜氏非也 思肆其罔極注肆放也茲不穀震盪播

越竄在荆蠻注茲此也此不穀子朝自謂音義盪本

蕩徒黨反竄七亂  
反字林七舛反 未有攸底注底至也攸所也音義

底音 旨 若我一二兄弟甥舅獎順天法無助狡猾以從

先王之命毋速天罰赦圖不穀注赦其憂而圖其難

音義 獎將丈反狡古卯反猾又作 疏正義曰速召也  
滑于八反母音無難乃旦反 子朝以單劉為

亂從之必有天殃故則所願也敢盡布其腹心及先勸諸侯無召天罰

王之經而諸侯實深圖之昔先王之命曰王后無適

則擇立長年鈞以德德鈞以下注此所謂先王之經

音義適丁疏正義曰先王先世之王不斥一人蓋自歷反疏古以來共如此也襄三十一人傳曰公

亮立胡女敬歸之子子野卒立敬歸之弟齊歸之子稠穆叔曰太子死有母弟則立之無則立長年

鈞擇賢義鈞則卜古之道也非適嗣何必弟之子彼言太子死立母弟則此言擇立長謂無母弟者也彼

又云子野非適嗣何必弟之子然則適嗣立而死當立弟之子也姪與弟同蓋王后夫人無姪弟之子乃

於諸妾之子擇立長耳年鈞擇賢與此年鈞以德皆謂母之貴賤等者公羊傳曰立適以長不以賢立子

謂母之貴賤等者公羊傳曰立適以長不以賢立子

以貴不以長明母貴則先立也此子朝之母必賤於  
猛母故專言立長之義不言母之貴賤何休難年鈞  
以德之言云人君所賢下必從之焉能使王不立愛  
也鄭玄答云周禮小司寇掌外朝之政以致萬民而  
詢焉其三曰詢立君其位王南鄉三公及州長百姓  
北面羣臣西面羣吏東面小司寇以叙進而問焉如  
此則大衆之口非君所能掩是王不得立愛之法也  
王不立愛公卿無私古之

制也疏

正義曰三公六卿無得私附王之庶子而妄  
立之其意言單劉有私情違古制也何休難

云大夫不世功而并為公卿通繼嗣左氏為短鄭玄  
云公卿之世有大功德先王命所不絕者何難既非

鄭答穆后及太子壽早夭即世注在十五年單劉贊  
亦謬

私立少以間先王注間錯先王之制亦唯仲伯叔季



圖之注伯仲叔季摠謂諸侯閔馬父聞子朝之辭曰

文辭以行禮也子朝干景之命遠晉之大以專其志

無禮甚矣文辭何為注傳終王室亂音義遠于○齊萬反

有彗星注出齊之分野不書魯不見音義彗似歲反又息遂反

分扶疏注正義曰傳言齊有此星而齊侯使禳之明

問反出齊之分野出於玄枵之次也彗即孛也文

十四年有星孛入于北斗十七年有星孛于齊侯使

大辰彼皆書此不書者時魯不見或陰不見齊侯使

禳之注祭以禳除之音義禳如晏子曰無益也祇取

誣焉注誣欺也音義祇音天道不怡注怡疑也音義

惛本又作滔他刀反不貳其命若之何禳之且天之有彗也以

除穢也君無穢德又何禳焉若德之穢禳之何損詩

曰惟此文王小心翼翼昭事上帝聿懷多福厥德不

回以受方國注詩大雅翼翼共也聿惟也回違也言

文王德不違天人故四方之國歸往之音義聿戶疏

正義曰詩大雅大明之篇也惟此文王慎小其心翼翼然共慎也又能明事上天惟行上天之道思使自

得多福其德不有回邪以受君無違德方國將至何

患於彗詩曰我無所監夏后及商用亂之故民卒流

亡注逸詩也言追監夏商之亡皆以亂故音義

夏戶雅反

同注若德回亂民將流亡祝史之為無能補也公說乃

止齊侯與晏子坐于路寢公歎曰美哉室其誰有此

乎注景公自知德不能久有國故歎也音義

說音悅下注喜

說同晏子曰敢問何謂也公曰吾以為在德對曰如君

之言其陳氏乎陳氏雖無大德而有施於民豆區釜

鍾之數其取之公也薄注謂以公量收音義

施式鼓反下出

者皆同區烏侯反量音亮下同

其施之民也厚注謂以私量貸音義

施如字又始豉反

公厚斂焉陳氏厚施焉民歸之矣詩曰雖

無德與女式歌且舞注詩小雅義取雖無大德要有

喜說之心欲歌舞之式用也音義

斂力驗反女音汝

疏曰正義

小雅車韋刺幽王也

陳氏之施民歌舞之矣後世若少惰陳氏

而不亡則國其國也已音義

惰徒卧反本亦作惰同

公曰善哉

是可若何對曰唯禮可以已之在禮家施不及國疏

正義曰大夫稱家家之所施不得施及國人言國人是國君之所有大夫不得妄施遺之以樹已私惠陳

氏施及國人

是違禮也民不遷農不移工賈不變注守常業音

義

工賈音古本亦作商賈

士不濫注不失職官不滔注滔慢也

音義

滔吐刀反慢武諫反本亦作漫武半反

大夫不收公利注不作福

疏

正義曰尚書洪範曰惟辟作福惟辟作威臣無有作福作威臣之有作福作威其害于而家凶于而

國是言作福作威君之利也大夫不得自收公利自作福也陳氏作福以招國人之心施民作福是收公

也利公曰善哉我不能矣吾今而後知禮之可以為國

也對曰禮之可以為國也久矣與天地竝注有天地

則禮義興疏

正義曰天地人民莫知其始但人稟陰陽之氣生於天地之間天地既形人民

必有易序卦曰有天地然後有萬物然後有男女有男女然後有夫婦然後有父子有父

子然後有君臣有君臣然後有上下有上下然後禮義有所錯是言有天地即有人民有人民即有父子君臣父子相愛君臣相敬敬愛為禮之本是與天地並興君令臣恭父慈子孝兄

愛弟敬夫和妻柔姑慈婦聽禮也君令而不違臣共

而不貳父慈而教子孝而箴注箴諫也音義共音恭下同箴

之林反兄愛而友弟敬而順夫和而義妻柔而正姑慈

而從注從不自專婦聽而婉注婉順也音義婉於禮阮反

之善物也公曰善哉寡人今而後聞此禮之上也對

曰先王所稟於天地以為其民也是以先王上之注

稟受也疏

正義曰先古聖王所治理人民者為受陰陽之氣生於天地之中以有上下之禮乃

可治其天下又禮與天地同貴是以先王上之

經二十有七年春公如齊注自鄆行音義公至自

齊居于鄆

夏四月吳弑其君僚注僚亟戰民罷又伐楚喪故光乘

間而動稱國以弑罪在僚音義反弑申志反注同僚力彫

疏注正義曰杜數僚之罪以示無道之驗僚以十六年即位十七年與楚戰于長岸二十三年伐州來敗楚

于難父其年又使六子諸樊入郢二十四年滅巢及鍾離此年又因楚喪而伐之是其亟戰民罷又伐楚喪故

光得乘間而動稱國以弑罪在僚也言舉國皆欲弑之非獨光之罪故不書光弑

楚殺其大夫卻宛注無極楚之讒人宛所明知而信近

之以取敗亡故書名罪宛音義

殺死察反卻去逆反宛於阮反又於元反近附

近之疏正義曰文七年宋殺其大夫傳曰不稱名非其罪也死者無罪則不稱其名是稱名者皆為有

罪矣此卻宛書名故杜跡其為罪之狀書名所以罪宛也

秋晉士鞅宋樂祁犁衛北宮喜曹人邾人滕人會于扈

音義初力兮反又力之反扈音戶

冬十月曹伯午卒注無傳未同盟而赴以名音義午音五



邾快來奔注無傳快邾命卿也故書音義怪快若疏注正

邾是小國其臣見於經者甚少唯此與襄二十三年邾  
畀我來奔書者二人而已釋例曰魯之叔孫父兄再命  
而書於經晉之司空亞旅一命而經不書推此知諸侯  
大夫再命以上皆書於經自一命以下大夫及士經皆  
稱人名氏不得見此皆典策之正文也小國之卿或命  
而禮儀不備或未加命數故不書之邾畀我之卿或命  
亡亦多所書唯數人而已知其合制者少杜言數人謂  
此快與畀我及曹公孫會也是言快是邾之命卿備於  
禮成為卿故書也快不書  
氏蓋未賜族無可稱也

公如齊注自鄆行公至自齊居于鄆注無傳

傳二十七年春公如齊公至自齊處于鄆言在外也

注在外邑故書地○吳子欲因楚喪而伐之注前年

楚平王卒使公子掩餘公子燭庸帥師圍潛注二子

皆王僚母弟潛楚邑在廬江六縣西南音義掩於疏

注正義曰賈逵云然當是相傳說耳未必有正文也

三十年傳此二公子奔楚楚子大封而定其徙子西

諫曰吳光新得國若好吾邊疆使柔服焉猶懼其至

吾又疆其讎以重怒之無乃不可乎謂此二子為光

之讎或當是使延州來季子聘于上國注季子本封

僚母弟也又反疏正義曰

延陵後復封州來故曰延州來音義復扶正義曰

上國中國也蓋以吳辟在東南地勢卑下中國在其

上流故謂中國為上國也下云遂聘于晉則上國之

言不包晉矣當總謂宋衛陳鄭之徒為上國耳亦不知其時聘莒國也經不書未必不至魯檀弓云延陵季子適齊於其反也其長子死葬於贏博之間鄭玄云魯昭二十七年吳公子札聘於上國是也如鄭之言此時或聘齊也注正義曰襄三十一年注云延州來季札邑此又分析之言本封延陵後復封州來故曰延州來成七年吳入州來注云楚邑淮南下蔡縣是也十三年吳滅州來二十三年傳云吳伐州來楚遠越救之則州來未為吳有不可以封札也釋例土地名延州來闕則延陵州來竝闕不知其處杜意當謂吳地別有州來非楚邑也鄭玄云季子讓國居延陵因號焉襄二十九年公羊傳曰季子去之延陵終身不入吳國然則季子雖則讓國猶尚仕為吳卿非自竄於彼地吳世家云季札封于延陵故號曰延陵季子杜言封是也封遂聘于晉以觀諸侯注觀疆弱謂賜之為采邑耳

楚莠尹然工尹麋帥師救潛注二尹楚官然麋其名

音義

莠由九反疏注正義曰楚官多以尹為名知二麋九倫反尹是官名耳其莠王之義不可知

也服虔云王尹主宮內之政莠不可解王未必然定本王作工左司馬沈尹戌帥都

君子與王馬之屬以濟師注都尹子在都邑之士有

復除者王馬之屬王之養馬官屬校人也濟益也音

義

戌音恤復音疏注正義曰都謂國都在都君子明福校胡孝反疏是在都邑之士也都邑之士以君

子為號故知是有復除者謂優復其身除其徭役賈

遠云然今之律令猶名放課役者為復除是漢世以來有此言也此人或別有功勞或曲蒙恩澤平常免其徭役事急乃使之耳周禮校人掌養馬知王馬之

屬是王之養馬之官屬也校人職云凡頒良馬而養乘之乘馬一師四圍三乘為皐皐一趣馬三皐為繫繫一馭夫六繫為廐廐一僕夫六廐成校校有左右駕馬三良馬之數麗馬一圍八麗一師八師一趣馬八趣馬一馭夫諸侯六開養馬之人多矣此唯養馬不給餘役今亦事急而徵使之與吳師遇

於窮令尹子常以舟師及沙汭而還注沙水名音義

汭如疏正義曰窮土地名窮闕也本或窮下有谷字銳反疏者為定七年傳敗尹氏于窮谷涉彼而誤耳

左尹卻宛工尹壽帥師至于潛吳師不能退注楚師

彊故吳不得退去吳公子光曰此時也弗可失也注

欲因其師徒在外國不堪役以弑王音義弑申志反下文同

告鱣設諸曰上國有言曰不索何獲我王嗣也吾欲

求之注光吳王諸樊子也故曰我王嗣音義鱣音專

云上古國也素所白反疏正義曰賈逵云上國中國

國賢士所言也此猶如上文聘于上國則賈言是也

注正義曰吳世家云吳王壽夢有子四人長曰諸樊

次曰餘祭次曰餘昧次曰季札季札賢而壽夢欲立

之季札讓不可乃立諸樊諸樊卒有命授弟餘祭欲

傳以次必致國於札兄弟皆欲致國令以漸至馬餘

祭卒弟餘昧立餘昧卒欲授季札札讓逃去於是吳

立為王是史記以光為諸樊之子僚為夷昧之子也  
襄二十九年公羊傳曰謁也餘祭也夷昧也與季子  
同母者四季子弱而才兄弟皆愛之同欲立之以為  
君弟兄迭為君而致國乎季子故謁也死餘祭也立  
餘祭也死夷昧也立夷昧也死則國宜之季子者也  
季子使而亡馬僚者長庶也即之闔閭曰將從先君  
之命與則國宜之季子者也如不從先君之命與則  
我宜立者也僚惡得為君乎於是使專諸刺僚世本  
云夷昧及僚夷昧生光服虔云夷昧生光而廢之僚  
者夷昧之庶兄夷昧卒僚代立故光曰我王嗣也是  
用公羊為說也杜言光吳王諸樊子用史記為說也  
班固云司馬遷米世本為史記而今之世本與遷言  
不同世本多誤不足依憑故杜以史記為事若克季  
正也光言王嗣者言已世適之長孫也

子雖至不吾廢也注至謂聘還鱄設諸曰王可弑也

母老子弱是無若我何注猶言我無若是何欲以老

弱託光疏

注正義曰古人言有顛倒故杜以為是無若我何猶言我無若是何恐已死之後不

能存立欲以老弱託光也彭仲博云當言是無我若何我母無我當如何我字當在若上光曰我

爾身也注言我身猶爾身夏四月光伏甲於堀室而

享王注掘地為室音義

堀本又作窟同若忽反掘其勿反又其月反

王使

甲坐於道及其門注坐道邊至光門門階戶席皆王

親也夾之以鉞羞者獻體改服於門外注羞進食也

獻體解衣音義

夾古洽反又古協反下同鉞普皮反說文云劒也

疏

正義曰言從門



至階從階至戶從戶至席皆是王之親執羞者坐行兵也說文云鉞劔也則鉞是劔之別名

而入注坐行膝行執鉞者夾承之注承執羞者及體

以相授也注鉞及進羞者體以所食授王疏正義曰鉞之鋒

刃及進羞者體也王之左右必更有人受羞以進王故言相授也雖則相授進羞者得至王所光偽

足疾入于堀室注恐難作王黨殺已素辟之音義難

且鱠設諸寘劔於魚中以進注全魚炙音義寘之豉反炙章

夜疏注正義曰吳世家云鱠諸置匕首於炙魚之中反疏以進食手匕首刺王僚匕首者劔首如七匙手

匕首謂執抽劔刺王鉞交於冑注交鱣諸冑音義抽

留反刺遂弒王闔廬以其子為卿注闔廬光也以鱗

諸子為卿音義

闔廬反

季子至曰苟先君無廢祀民人

無廢主社稷有奉國家無傾乃吾君也吾誰敢怨哀  
死事生以待天命非我生亂立者從之先人之道也  
注吳自諸樊以下兄弟相傳而不立適是亂由先人

起也季子自知力不能討光故云爾音義

傳直專反  
適丁歷反

復命哭墓注復使命於僚墓音義

使所  
吏反

復位而待注

復本位待光命吳公子掩餘奔徐公子燭庸奔鍾吾

注鍾吾小國楚師聞吳亂而還注言聞吳亂明卻宛  
不取賂而還○卻宛直而和國人說之注以直事君

以和接類音義

說音悅

鄢將師為右領注右領官名音

義

鄢於晚反又鳥戶反

與費無極比而惡之注惡卻宛音義

費扶

味

反比毗志反惡鳥路反注同

令尹子常賄而信讒無極譜卻宛焉

謂子常曰子惡欲飲子酒注子惡卻宛音義

賄于罪反譜側

鶴反飲於鶴反

又謂子惡令尹欲飲酒於子氏子惡曰我賤

人也不足以辱令尹令尹將必來辱為惠已甚吾無

以酬之若何注酬報獻無極曰令尹好甲兵子出之

吾擇焉注擇取以進子常音義

好呼報反

取五甲五兵曰

寘諸門令尹至必觀之而從以酬之注曰無極辭疏

正義曰周禮司右云凡國之勇力之士能用五兵者

屬馬鄭引司馬法曰弓矢圍父矛守戈戟助凡五兵

長以衛短短以救長然則弓矢父矛戈戟五者皆名

為兵此云五兵當是一種器耳不知取何兵也服虔

云兵及饗曰帷諸門左注張帷陳甲兵其中無極謂

戰也令尹曰吾幾禍子子惡將為子不利甲在門矣子必

無往且此役也注此春救潛之役音義

幾音祈

吳可以

得志子惡取賂焉而還又誤羣帥使退其師曰乘亂不祥吳乘我喪我乘其亂不亦可乎令尹使視郤氏則有甲焉不往召馮將師而告之注告子惡門有甲

兵將害已將師退遂令攻郤氏且蕪之注蕪燒也音

義

蕪如  
悅反

子惡聞之遂自殺也國人弗蕪令曰不蕪郤

氏與之同罪或取一編管焉或取一秉秆焉注編管

苴也秉把也秆橐也音義

編必然反又必干反管古  
顏反秆古但反說文云禾

莖也或古旦反苴式占反李巡云編管  
茅以覆屋曰苴把必馬反橐古老反

疏

注正義曰  
釋草云白

華野管郭璞云管茅屬釋器云白蓋謂之苫李廵曰編管以覆屋曰苫郭璞曰白茅苫也是編管為苫也

乘把詩毛傳文也說文云秆禾莖也是為橐

也或取一片苫或取一把橐言民不肯燒之國人投

之遂弗爇也令尹炮之注炮燔卻宛音義

又彭交反

燔音

疏

正義曰國人投之謂投管秆於地故遂不燒也令尹炮之一句是駢將師令眾之辭服虔

云民弗肯爇也駢將師稱令尹盡滅卻氏之族黨殺使女燔炮之燔炮爇皆是燒也

陽令終與其弟完及佗注令終陽句子音義

佗徒何反句古

害與晉陳及其子弟注晉陳楚大夫皆卻氏之黨晉

陳之族呼於國曰鄢氏費氏自以為王專禍楚國弱

寡王室蒙王與令尹以自利也注蒙欺也音義

呼火故反

令尹盡信之矣國將如何令尹病之注為下殺無極

張本○秋會于扈令戍周且謀納公也宋衛皆利納

公固請之范獻子取貨於季孫謂司城子梁與北宮

貞子注子梁宋樂祁也貞子衛北宮喜曰季孫未知

其罪而君伐之請囚請亡於是乎不獲君又弗克而

自出也夫豈無備而能出君乎季氏之復天救之也

注復猶安也休公徒之怒注休息也而啓叔孫氏之

心不然豈其伐人而說甲執冰以游叔孫氏懼禍之

濫而自同於季氏天之道也

音義

說他疏正義曰言活反季氏無罪

而公濫討之叔孫氏亦懼禍濫及於已而自同心於季氏俱叛公此乃天之常道也魯君守齊

三年而無成季氏甚得其民淮夷與之注淮夷魯東

夷有十年之備有齊楚之援注公雖在齊言齊不致

力有天之贊有民之助有堅守之心有列國之權而

弗敢宣也注宣用也音義

守手又反

事君如在國注書公

行告公至是也故鞅以為難二子皆圖國者也而欲



納魯君鞅之願也請從二子以圍魯無成死之二子

懼皆辭乃辭小國而以難復注以難納白晉君○孟

懿子陽虎伐鄆注陽虎季氏家臣伐鄆欲奪公疏正義

曰伐鄆欲奪公鄆使公不得居也不書者鄆人將戰

伐公逆事不可以告廟國史無由得書

子家子曰天命不怙久矣注怙疑也言棄君不疑音

義怙他使君亡者必此衆也注言君據鄆衆以與魯

戰必敗之天既禍之而自福也不亦難乎猶有鬼神

此必敗也疏

正義曰言尚有鬼神以助君嗚呼為無此戰必當敗也况無鬼神乎

望也夫其死於此乎公使子家子如晉公徒敗于且

知注且知近郟地也音義

夫音扶且子餘反近附近之近

○楚郟宛

之難國言未已進胙者莫不謗令尹注進胙國中祭

祀也謗詛也音義

難乃旦反年末同胙才故反詛側慮反

沈尹戌言於

子常曰夫左尹與中廐尹莫知其罪而子殺之以興

謗讟至于今不已注左尹卻宛也中廐尹陽令終音

義

廐九又反讟音獨

戌也惑之仁者殺人以掩謗猶弗為也

今吾子殺人以興謗而弗圖不亦異乎夫無極楚之

讒人也民莫不知去朝吳注在十五年音義

去起呂反朝如

字下朝夕同

出蔡侯朱注在二十一年喪太子建殺連尹

奢注在二十年音義

喪息浪反

屏王之耳目使不聰明不

然平王之溫惠共儉有過成莊無不及焉所以不獲

諸侯邇無極也注邇近也音義

近附近之近

今又殺三不

辜以興大謗注三不辜郤氏陽氏晉陳氏幾及子矣

子而不圖將焉用之夫馮將師矯子之命以滅三族

國之良也而不愆位注在位無愆過音義

幾音祁又音機焉於

度反矯居表疏正義曰令尹召鄢將師告之以郤宛反愆起度反門有甲耳不令攻郤宛也鄢將師退

而令衆使攻之是矯令尹命也吳新有君注光新立也疆場日駭楚

國若有大事子其危哉知者除讒以自安也今子愛

讒以自危也甚矣其惑也子常曰是瓦之罪敢不良

圖九月己未子常殺費無極與鄢將師盡滅其族以

說于國謗言乃止音義疆居良反場音亦知音智冬公如齊

侯請饗之注設饗禮子家子曰朝夕立於其朝又何

饗焉其飲酒也乃飲酒使宰獻而請安注比公於大

夫也禮君不敵臣宴大夫使宰為主獻獻爵也請安

齊侯請自安不在坐也音義

坐才疏正義曰禮為諸侯相為賓主國

待之有享食燕三禮享為大鄭玄云享謂享大牢以飲賓是為禮之大者子家以公雖居鄆以齊為主此年已再如齊數相見不為賓客故言朝夕立於其朝又何須設饗禮焉其飲酒也勸其用宴禮而飲酒耳注正義曰燕禮者公燕大夫之禮也公雖親在而別有主人鄭玄云主人宰夫也宰夫大宰之屬掌賓客之獻飲食者也君於其臣雖為賓不親獻以其尊莫敢伉禮也今齊侯與公飲酒而使宰獻是比公於大夫也獻獻爵者禮有三酌獻也酬也酢也獻酬是主人獻賓唯酢是賓答主人耳禮君不敵臣宴大夫使宰為主即燕禮是其事也杜以宰獻而請安為齊侯請自安於別室不在坐也劉炫云案燕禮司正洗角

解南面坐奠於中庭升東楹之東受命西階上北面命卿大夫君曰以我安卿大夫皆對曰諾敢不安彼是請賓使自安當如彼使宰請魯侯自安耳主人請安謂主人使司正請安于賓服虔亦然杜今云齊侯請自安非也今知不然者案鄉飲酒禮賓主相敵主人亦請安于賓然則齊侯與公敵禮安賓乃是常事何須傳載其文以為卑公之義明是齊侯請欲自安不在其坐明慢公之甚劉不審思此理用燕禮請安之義而規子仲之子曰重為齊侯夫人曰請使重見杜非也

注子仲魯公子慙也十二年謀逐季氏不能而奔齊

今行飲酒禮而欲使重見從宴媒也音義曰重直勇反又直恭

反見賢遍反注同慙魚覲反媒息列反子家子乃以君出注辟齊夫人

○十二月晉籍秦致諸侯之戍于周魯人辭以難注  
經所以不書戍周籍秦籍談子

經二十有八年春王三月葬曹悼公注無傳六月而葬  
緩

公如晉次于乾侯注乾侯在魏郡斥丘縣晉竟內邑音

義

斥音尺一音昌夜  
反竟音境傳同

夏四月丙戌鄭伯寧卒注無傳未同盟而赴以名

六月葬鄭定公注無傳三月而葬速

秋七月癸巳滕子寧卒注無傳未同盟而赴以名

冬葬滕悼公注無傳

傳二十八年春公如晉將如乾侯注齊侯卑公故適

晉子家子曰有求於人而即其安人孰矜之其造於

竟注欲使次於竟以待命音義造七報反弗聽使請逆於

晉晉人曰天禍魯國君淹恤在外君亦不使一个辱

在寡人注一个單使音義个古賀反注同單使所吏反而即安於

甥舅其亦使逆君注言自使齊逆君使公復于竟而



後逆之注逆著乾侯也言公不能用于家所以見辱

音義

著中略反一  
音直略反

○晉祁勝與鄆臧通室注二子祁

盈家臣也通室易妻音義

祁巨支反字林云太原縣  
上尸反鄆舊音烏戶反又

音偃案地名在周者烏戶反隱十一年王取鄆留是  
也在鄭者音偃成十六年戰于鄆陵是也在楚者於

建反又音偃昭十三年王汧夏將入鄆是也在晉者  
於庶反字林云祛反郭璞三倉解詁音廢於庶反闕

岫音厭鈇之鈇重言之太原有鄆縣唯周地者從鄆  
餘皆從馬字林亦作鄆音同傳云分祁氏之田以為

七縣司馬彌牟為鄆大夫即太原縣  
也鄆臧宜以邑為氏於爰反舊音誤  
祁盈將執之注

盈祁午之子訪於司馬叔游注叔游司馬叔侯之子

叔游曰鄭書有之惡直醜正實蕃有徒注鄭書古書

名也言害正直者實多徒衆音義

惡如字又鳥路反蕃音煩疏義

曰以直為惡以正為醜惡直事醜正道如此人無道者實蕃多有徒衆言時世慕善者少從惡者多

立矣子懼不免注言世亂讒勝詩曰民之多辟無自

立辟注詩大雅音義

多辟本又作僻匹亦反立辟婢亦反疏正義曰詩

篇刺厲王之詩辟邪也辟法也民之多有邪辟者於此之時無自謂所立者為法是言無道之世法不可

為古辟辟字姑已若何注姑且也已止也盈曰祁氏

私有討國何有焉注言討家臣無與國事音義

無與音預

遂執之祁勝賂荀躒為之言於晉侯晉侯執祁盈注

以其專戮音義

為于偽反

祁盈之臣曰鈞將皆死注鈞同

也疏

正義曰鈞同也殺勝與臧盈亦死不殺盈使亦死同將皆死不如殺之使盈聞而快意慙使

吾君聞勝與臧之死也以為快注慙發語之音義

慙魚反

乃殺之夏六月晉殺祁盈及楊食我注楊叔向

邑食我叔向子伯石也音義

食音嗣向許丈反

食我祁盈之

黨也而助亂故殺之遂滅祁氏羊舌氏初叔向欲娶

於申公巫臣氏注夏姬女也音義

娶七主反夏戶雅反注同

其母

欲娶其黨叔向曰吾母多而庶鮮吾懲舅氏矣注言

父多妾媵而庶子鮮少嫌母氏性不曠音義

鮮息淺反注同

懲直升反媵繩疏正義曰言父多妾媵而謂之母多

證反又時證反者意言庶弟少據庶弟而發言故

謂父妻其母曰子靈之妻殺三夫注子靈巫臣妻夏

姬也三夫陳御叔楚襄老及巫臣也時巫臣已死疏

正義曰三夫皆自命盡而死其死不由夏姬而云殺

三夫者婦之配夫欲其偕老其夫數死是妻之薄相

故以為夏一君注陳靈公一子注夏徵舒而亡一國

蒙亡文也以兩卿棄位出奔身不死故為亡也此事皆宣十年十一年傳可無懲乎吾聞

之甚美必有甚惡是鄭穆少妃姚子之子子貉之妹

也注子貉鄭靈公夷音義少詩照反疏正義曰物忌

常暑往寒來晝明夜暗孰能為此者天地天地尚不

能常况人乎故甚美必有甚惡也甚美謂夏姬之身

甚惡當在其後言其種子貉早死無後而天鍾美於

是注是夏姬也鍾聚也子貉死在宣四年疏正義曰

靈早夭而夏姬美推之為此言耳不是凡早死而妹

必美也猶今俗語云衰家女未必慧慧家女未必衰

將必以是大有敗也疏正義曰夏姬淫慝喪國滅家

叔向之母猶謂未得大敗故

言將必以是大有敗也十四年傳稱施邢侯者或是夏姬之男比殺楊食我又是夏姬之外孫其種類蓋盡昔有仍氏生女黶黑注有仍古諸侯也美髮為黶

音義

黶之忍反說文作黶又作鬢云稠髮也

疏

正義曰黶卽鬢也詩云鬢髮如雲毛傳云鬢黑

髮也如雲言美長也說文云鬢稠髮也然則鬢者髮多長而黑美之額也此傳黶下有黑則黶文不兼於黑故賈杜皆云美髮為鬢而甚美光可以鑑注髮膚光色可以照

人音義

鑑古暫反鏡也疏注正義曰傳於黶黑甚美之下乃

色皆可照人名曰元妻注以髮黑故樂正后夔取之注夔

舜典樂之君長音義

變求龜反取如疏注正義曰尚字又七住反書舜典云帝

曰夔命汝典樂教胄子是夔為舜之典樂官也正長也后君也故云典樂之君長王朝公卿故以后言之猶謂為生伯封實有豕心貪惛無饜忽類無期謂之后稷

封豕注類戾也封大也音義

長丁丈反惛力耽反方言云楚人謂貪為惛饜

亦作厭於鹽反類本又

疏正義曰豕心言其心似豬作類立對反服作類

疏貪而無耻也方言云晉魏

河內之北謂惛為殘楚謂之貪則惛亦貪也賈逵云

林者食也其人貪者財利飲食無知饜足忽怒狠戾

無有期度時人謂之大豬注正義曰以類忽共文則類亦似忽故以為戾言狠戾也定四年傳封豕與長

蛇相對知封為大也服虔云忽怒其類以饜其私無期度也

有窮后羿滅之夔是

以不祀注羿篡夏后者音義

羿音藝篡初患反

且三代之亡

共子之廢皆是物也注夏以妹喜殷以妲己周以褒

姒三代所由亡也共子晉申生以驪姬廢音義恭本

亦作恭妹喜本或作嬉音同國語云桀伐有施有施

氏以妹喜女焉韋昭注漢書云嬉姓也妲己丁達反

下音紀國語云有蘇氏之女也韋昭云己姓也褒姒

音似龍萊所生褒人所養者也毛詩云如姓也鄭箋

云如字也驪姬本又作麗同力知反獻公伐驪戎所

得而以為夫人穀梁傳云滅虢所得莊子云艾封人

之疏注正義曰晉語云史蘇曰昔夏桀伐有施氏有

子施氏以妹嬉女焉妹嬉有寵於是與伊尹比而

亡夏殷辛伐有蘇氏有蘇以妲己女焉妲己有寵於

是與膠鬲比而亡殷周幽王伐有褒有褒人以褒姒

女焉褒姒有寵生伯服於是與虢石甫比逐太子宜

咎而立伯服太子奔申申人繒人召西戎以伐周周



於是乎亡是三代所由亡之事也共子之事具見於傳

女何以為哉夫有尤物

足以移人苟非德義則必有禍注尤異也音義女音汝

疏正義曰苟誠也誠不以德義自持則必有禍 叔向懼不敢取平公強使

取之生伯伯石始生子容之母走謁諸姑注子容

母叔向嫂伯華妻也姑叔向母音義敢取七住反又

嫂素早反兄妻也依字宜如此 長叔姒生男注兄弟之妻相謂姒

音義長丁疏注正義曰相謂者幼者謂長為姒也子

次之其餘諸弟皆小於叔向也故謂叔向為長叔叔向之妻其年長於子容之母故稱長叔姒也釋親云

女子同出謂先生為妯後生為娣孫炎曰同出俱嫁  
事一夫也公羊傳曰娣者何弟也此其義也是言共  
事一夫者長為妯幼為娣自以身之長幼生娣妯之  
名其娣妯之名不由夫之長幼也釋親又云長娣謂  
稚婦為娣婦娣謂長婦為妯婦自以身之長稚相  
謂也喪服小功章云娣妯報傳曰娣妯者弟長  
也傳言弟長者雙訓娣妯言娣是弟妯是長也鄭玄  
云娣妯者兄弟之妻相名也長婦謂稱婦為娣婦娣  
婦謂長婦為妯婦亦取爾雅之文以  
解弟長之義是以身之長幼明矣

姑視之及堂聞

其聲而還曰是豺狼之聲也狼子野心非是莫喪羊

舌氏矣遂弗視音義

豺本作豺同仕  
皆反喪息浪反

○秋晉韓宣子

卒魏獻子為政注獻子魏舒分祁氏之田以為七縣

注七縣鄆祁平陵梗陽塗水馬首孟也音義

梗古杏反孟音

于下文同

分羊舌氏之田以為三縣注銅鞮平陽楊氏音

義

鞮丁今反

司馬彌牟為鄆大夫注太原鄆縣賈辛為祁

大夫注大原祁縣司馬烏為平陵大夫魏戊為梗陽

大夫注戊魏舒庶子梗陽在太原晉陽縣南音義

戊音

茂知徐吾為塗水大夫注徐吾知盈孫塗水太原榆

次縣音義

知音智次資利反又如字

韓固為馬首大夫注固韓起

孫孟丙為孟大夫注太原孟縣樂霄為銅鞮大夫注

上黨銅鞮縣趙朝為平陽大夫注朝趙勝曾孫平陽

平陽縣音義

朝如字

僚安為楊氏大夫注平陽楊氏縣

疏

正義曰此祁氏與羊舌氏之田舊是私家采邑二族既滅其田歸公分為十縣為公邑故選置大夫

也傳云先祁後羊舌故依下文選置大夫之次上七縣為祁氏之田下三縣為羊舌氏之田且五年傳謂伯石為楊石明楊氏是羊舌之田也家語與史記皆謂羊舌赤為銅鞮伯華是銅鞮亦羊舌邑也平陽之次在銅鞮楊氏之謂賈辛司馬烏為有力於王室注間知亦羊舌邑也

二十二年辛烏帥師納敬王疏

注正義曰二十二年傳曰晉籍談荀躒賈

辛司馬督帥師軍于陰于侯氏于谿泉次于社賈辛軍谿泉司馬督次于社督即烏也此衆軍竝為伐子

朝欲納  
敬王

故舉之謂知徐吾趙朝韓固魏戊餘子之不

失職能守業者也注卿之庶子為餘子疏

注正義曰宣二年傳

云官卿之適以為公族又官其餘子亦為餘子其庶子為公行注云餘子適子之母弟也庶子妾子也彼

適庶分為三等故餘子與庶子為異此無所對故總謂庶子為餘子也此四人之內當有妻生妾生者也

知徐吾韓固是卿之孫也趙朝卿之曾孫也而竝稱餘子者言其父祖是餘子就餘子子孫之內選其賢

者而用之此四人不失常其四人者皆受縣而後見職能守其父祖之業也

於魏子以賢舉也注四人司馬彌牟孟丙樂霄僚安

也受縣而後見言采衆而舉不以私也音義

見賢通反注及

下見魏子竝同魏子謂成鱒注鱒音郭又市轉反又音附

吾與戊也縣人其以我為黨乎對曰何也戊之為人

也遠不忘君注遠疏遠也近不偪同注不偪同位音

義偪彼力反居利思義注不苟得在約思純注無濫心有

守心而無淫行雖與之縣不亦可乎音義行下孟反疏正義

曰遠不忘君言職雖疏遠而心在公室常忠敬也近不偪同言親近有寵不偪迫同位常謙共也居利思

義臨財不苟得思義可取乃取之也在約思純處貧匱而思純固無叨濫之心也有守善之心而無淫邪

之行雖則親子而與之縣不亦可乎昔武王克商光有天下注光大也

其兄弟之國者十有五人姬姓之國者四十人皆舉

親也夫舉無他唯善所在親疏一也疏正義曰由武王克商得封

建諸國歸功於武王耳此十五國或有在後封者非

武王之時盡得封也尚書康誥之篇周公營洛之年

始封康叔于衛洛誥之篇周公致政之年始封伯禽

于魯明知武王之時兄弟未盡封也僖二十四年傳

稱周公弔二叔之不咸故封建親戚以藩屏周亦以

周公為制禮之主故歸功於周公耳非盡周公封也

九年傳曰文武成康之封建母弟則康王之世尚有

封國宣王方始封鄭非獨武王周公封諸國也僖二

十四年傳數文之昭也有十六國此言武王兄弟之

國十五人者人異故說異耳非武王封十五周公始

加一也非魯衛驗之知詩曰唯此文王帝度其心莫

周公所以非唯一耳

詩曰唯此文王帝度其心莫

周公所以非唯一耳

其德音其德克明克明克類克長克君王此大國克

順克比比于文王其德靡悔既受帝祉施于孫子注

詩大雅美文王能王大國受天福施及子孫音義

唯此

文王詩作唯此王季度待洛反下及注同莫亡白反  
又如字爾雅云貊莫安定也下及注同長丁丈反下  
及注同王此于况反注能王疏正義曰詩大雅皇矣  
同祉音恥施以歧反注同疏之篇美文王之德也  
唯此文王之身為天帝所佑天帝開度其心令其有  
揆度之慧所度前事莫不皆得其中也又使之莫然  
安靜其德教之善音施之於人則皆應和之也又能  
有監昭在下之明又能有勤施無私之善又能教誨  
不倦有為人師長之德又能賞善刑惡有為人君上  
之度既有人君之德故為人君王此周之大邦也其



施教令能使國人徧服而順之既為國人順服又德  
擇人之善者比方其善乃從而用之以此文王之德  
此詩人稱比較于文王之九德其德皆是無為人所  
悔吝者言文王之德堪比或以為比于前世文德之  
王義亦通也以此之故既受天之祉福施及于後世  
之子孫得使長王天下也此章文次如此者德皆由  
之所授故先言帝度其心明以下皆蒙帝文也德由  
心起故先言心能度物也心既靜也為君所以施為政  
教故次莫其德音言變政教清靜也為君所以施為政  
故先言政教清靜乃論身內之德故次能明能善其  
明與善還是德音之事施之於人有照臨之明勤施  
之善耳心能施而無私乃可為人君長故次克長克  
君長即師也學記曰能為師然後能為長能為長然  
後能為君故先長後君也既為大邦之君能使人為君  
之事故言王此大邦也既為大邦之君能使人為君

服故次克順也民既順服又須擇善用之故次克比也  
比于文王其德無可恨故言受天之福澤流後世  
以結之此傳言唯此文王毛詩作唯此王季經涉亂  
離師有異讀後人因而兩存不敢追改今王肅注毛  
詩及韓詩亦作唯此文王鄭注毛詩作唯此王季故  
解比于文王言王季之德可以比于文王也劉炫云  
此作唯此文王不可以比于文王之德還自此文王  
故知比于文王可以比于上代文德之王也  
制義曰度注帝度其心疏正義曰心能制斷時事使  
合於義是為善揆度也言  
預度未來之德正應和曰莫注莫然清靜音義應應  
對之  
事皆得中也  
應和如字疏正義曰毛詩莫作貊樂記引此詩亦作  
又胡臥反疏莫釋詁云貉嘆安定也郭璞云皆靜定  
毛傳云貊靜也其德既正為政清靜故有所施為民  
皆應和易繫辭曰君子居其室出其言善則千里之

外應之即此義也莫是清靜之意故杜云莫然清靜

照臨四方曰明勤施無私

曰類注施而無私物得其所無失類也音義

施式豉反注及

下同疏注正義曰勤行施惠情無偏私物皆得所是無失類也鄭玄云類善也無失類者不失善之類

也教誨不倦曰長注教誨長人之道賞慶刑威曰君

注作威作福君之職也疏

正義曰人君執賞罰之柄以賞慶人以刑威物是為

君之道慈和徧服曰順注唯順故天下徧服音義

徧音遍注

同疏

正義曰人君執慈心以惠下用和善以接物則天下徧服而順從之故為順也易繫辭云天之

所助者順故杜云擇善而從之曰比注比方善事使唯順故天下徧服

相從也經緯天地曰文注經緯相錯故織成文疏正義

曰易稱聖人先天而天弗違後天而奉天時言德能順天隨天所為如經緯相錯織成文章故為文也

九德不愆作事無悔注九德上九曰也皆無愆過則

動無悔吝音義吝力切反故襲天祿子孫賴之注襲受也

主之舉也近文德矣所及其遠哉注舉魏戊等勤施

無私也其四者擇善而從故曰近文德所及遠也音

義近附近疏注正義曰成鱗引此詩者唯欲取克類

王以有此德故得施于子孫魏○賈辛將適其縣見

於魏子魏子曰辛來昔叔向適鄭駸茂惡注惡貌醜

音義

駸音子  
工反

欲觀叔向從使之收器者注從隨也隨

使人應欽俎豆者疏

正義曰下云叔向將餘酒將欲  
舉爵而飲此則飲酒未畢使者

擬收器耳  
未卽收也

而往立於堂下一言而善叔向將飲酒聞

之曰必醜明也注素聞其賢故聞其言而知之疏

正義

曰舊說云一言者  
謂設由上徹由下

下執其手以上曰昔賈大夫惡注

賈國之大夫惡亦醜也音義

上時掌反  
下并注同

娶妻而美三

年不言不笑御以如舉注為妻御之舉澤音義

娶七  
住反

為于疏正義曰詩云鶴鳴于九皋是皋為射雉獲之偽反疏澤也如往也為妻御車以往澤也

其妻始笑而言賈大夫曰才之不可以已我不能射

女遂不言不笑夫今子少不颺注顏貌不揚顯音義

射雉食亦反女音汝下同夫音扶颺音揚子若無言吾幾失子矣言不可

以已也如是遂如故知今女有功於王室吾是以舉

女注因賈辛有功而後舉之言人不可無能音義幾音

祈疏正義曰遂如故舊相知行乎敬之哉毋墮乃力注墮損也

音義母音無墮許規反仲尼聞魏子之舉也以為義曰近不

失親注謂舉魏戊遠不失舉注以賢舉可謂義矣又

聞其命賈辛也以為忠注先賞王室之功故為忠詩

曰永言配命自求多福忠也注詩大雅永長也言能

長配天命致多福者唯忠疏

正義曰詩大雅文王之篇也言王者長自言我

之所為配上天之命而行之是自求衆多之福使歸已此詩之意言忠則然也言魏子能忠必有多福歸

之魏子之舉也義其命也忠其長有後於晉國乎○

冬梗陽人有獄魏戊不能斷以獄上注上魏子音義

斷丁亂反其大宗賂以女樂注訟者之大宗魏子將受之

魏戊謂閻沒女寬注二人魏子之屬大夫音義

問以占反

曰主以不賄聞於諸侯若受梗陽人賄莫甚焉吾子必諫皆許諾退朝待於庭注魏子朝君退而待於魏

子之庭音義

聞如字又音問

饋入召之注召二大夫食音義

饋求位反

比置三歎既食使坐注更命之令坐音義

比必利反

令力呈反魏子曰吾聞諸伯叔諺曰唯食忘憂吾子置食

之間三歎何也同辭而對曰或賜二小人酒不夕食

注或他人也言飢甚饋之始至恐其不足是以歎中



置自咎曰豈將軍食之而有不足是以再歎注魏子

中軍將故謂之將軍音義

咎其九反食之音嗣帥所類反本又作率同

疏

注正義曰晉使卿為軍將謂之將中軍將上軍此以魏子將中軍故呼為將軍及六國以來遂以將軍為

官名蓋其元起于此

及饋之畢願以小人之腹為君子之心屬

厭而已注屬足也言小人之腹飽猶知厭足君子之

心亦宜然音義

屬之玉反注同厭於鹽反又於豔反注同

獻子辭梗陽人

注傳言魏氏所以興也

春秋左傳注疏卷五十二

春秋左氏傳注疏卷五十二考證

公至自齊居于鄆○蘇轍曰凡公行反而告廟則書至在外雖不告而書至所以存公也臣召南按此說較疏所引賈逵之說為勝季氏豈時時能以公至告廟乎此實聖人特筆所以示君臣之義也

公圍成○孫復曰公圍成書者見國內皆叛也

尹氏召伯毛伯以王子朝奔楚疏召伯逆王于尸○尸

地名監本訛作尸今改正

傳處于鄆言魯地也○臣召南按諸侯於其境內皆可  
言居書處于鄆所以別于三十年以後之書在乾侯  
也

傳師及齊師戰于炊鼻註非公命則不書○趙汭補注  
曰戰不書為魯諱臣拒君也故齊師圍成特書公以  
見義

傳王次于滑䟽襄十八年楚人伐鄭傳稱公子格率銳  
師侵費滑胥靡○臣召南按公子格之上似應有為

子馮三字疏不應偏舉一人

傳王入于成周○吳澄曰王城曰東都蓋以鎬京為周之西都相對而言也成周曰下都蓋以王城為洛之上都相對而言也

傳晉師使成公般戍周而還○監本脫使字今添

傳王入于莊宮注莊宮在王城○趙汭補注曰汪氏云敬王此時已入王城矣三十二年書城成周蓋入王城而勿居遂定都成周也

傳諸侯釋位以間王政疏周召二公二相行政○依周本紀應作周公召公二相行政

傳攜王奸命疏攜王為晉文公所殺以本非適故稱攜王○臣召南按此晉文公乃文侯非重耳也

楚殺其大夫卻宛注故書名罪宛○臣召南按傳言卻宛之宛則宛無罪

傳使延州來季子聘于上國疏則上國之言不包晉矣○臣召南按吳謂中原諸國為上國晉亦其一也

傳楚莠尹然工尹麋帥師救潛○疏既從定本作工尹  
則俗本作王尹非也前傳有工尹路卽其明証今改

正

傳乃辭小國而以難復○趙汭補注曰傳見諸侯皆欲  
納公晉卿貪故勿克

傳君亦不使一个辱在寡人○趙汭補注曰誚公先齊  
而後晉非謂不告

傳且三代之亡共子之廢皆是物也疏申人繒人召西

戎以伐周○繒監本訛作鄆今改正

傳非是莫喪羊舌氏矣○臣召南按祁氏羊舌氏之滅

晉之公族盡矣史記晉世家曰六卿欲弱公氏乃遂以法盡滅其族而分其邑為十縣各令其子為大夫晉益弱六卿皆大可謂直筆矣滅祁盈始於知蹠知氏子孫卒見滅於趙魏韓孰謂無天道哉

傳知徐吾為塗水大夫注徐吾知盈孫○孫監本訛作縣今改正

傳僚安為楊氏大夫○楊監本記作陳今改正

傳謂知徐吾趙朝韓固魏戊餘子之不失職能守業者也○臣召南按十縣中而知趙韓魏之餘子居其四則四卿之專晉國始於此矣

傳豈將軍食之而有不足疏及六國以來遂以將軍為官名蓋其元起於此○臣召南按漢書百官公卿表云將軍秦官是未深考耳



春秋左氏傳注疏卷五十二考證